



Arkivnr: 2015/11453-109

Saksbehandlar: Adeline Berntsen Landro

Saksframlegg

Saksgang

Utval	Saknr.	Møtedato
Hordaland fagskulestyre		28.11.2017

Mål og tiltaksplan for Fagskolen i Hordaland 2017/18

Samandrag

I møte 25.10.17 handsama styret kvalitetsmeldingane frå Fagskolane i Hordaland for skuleåret 2016/17. Jf. kvalitetssystemet for fagskulane vert kvalitetsmeldingane følgt opp med skulebesøk. 31.10.17 vart det gjennomført skulebesøk ved Fagskolen i Hordaland, og 14.11.17 vart det gjennomført skulebesøk ved Hordaland helsefagskole. I samband med skulebesøka vart det utarbeidd forslag til mål og tiltaksplan for Fagskolen i Hordaland og Hordaland helsefagskole som styret skal handsama i dette styremøtet. På grunn av samanslåinga er tiltaka som vart føreslått ved helsefagskulen sett saman med mål og tiltak for Fagskolen i Hordaland. Måla som er føreslått for Fagskolen i Hordaland, vil også gjelde for helsefaga, og tiltaka som er føreslått for helsefaga, er ført opp til slutt.

Forslag til vedtak

Styret vedtek mål og tiltaksplan for Fagskolen i Hordaland for skuleåret 2017/18 slik det kjem fram av saka.

Svein Leidulf Heggeheim
fylkesdirektør opplæring
ansvarleg for saksførebuing til fagskulestyret

Linda Farestveit
seksjonsleiar skule

Saksframlegget er godkjent elektronisk og har derfor ingen underskrift.

Vedlegg

- 1 Referat frå skulebesøk ved Fagskolen i Hordaland
- 2 Referat frå skulebesøk ved Hordaland helsefagskole

Fylkesrådmannen, 13.11.2017

I møte 25.10.17 handsama styret kvalitetsmeldingane frå Fagskolane i Hordaland for skuleåret 2016/17. Jf. kvalitetssystemet for fagskulane vert kvalitetsmeldingane følgt opp med skulebesøk der representantar frå styret og administrasjonen ved opplæringsavdelinga går igjennom kvalitetsmeldingane saman med skulane. Ved skulebesøka vert det også drøfta tiltak i høve til dei funna som vert gjort i kvalitetsmeldingane, og det vert utarbeidd ein mål- og tiltaksplan.

31.10.17 vart det gjennomført skulebesøk ved Fagskolen i Hordaland (sjå referat i vedlegg 1), og 14.11.17 vart det gjennomført skulebesøk ved Hordaland helsefagskole (sjå referat i vedlegg 2).

Administrasjonen ved opplæringsavdelinga og fagskulane har stor nytte av skulebesøka i høve til å heva kvaliteten ved utdanningstilboda. Fagskulane syner også at dei tek tilbakemeldingane frå studentar, lærarar, sensorar og eksterne interessenter på alvor, og følgjer raskt opp tilhøve som det vert klaga på. Nokre tilhøve tek lengre tid å følgje opp, men er formulert i skulane sine forslag til mål og tiltaksplan.

I samband med samanslåinga av Hordaland helsefagskole (HHF) og Fagskolen i Hordaland (FiH) deltok også rektor ved FiH på skulebesøket ved HHF. Dette var viktig av di det er FiH som skal følgje opp dei tiltak som ligg til helsefagskulen frå 01.01.18.

Under vert forslag til mål og tiltaksplan for Fagskolen i Hordaland og Hordaland helsefagskole vist. På grunn av samanslåinga er tiltaka som vart føreslått ved helsefagskulen sett saman med mål og tiltak for Fagskolen i Hordaland. Måla som er føreslått for Fagskolen i Hordaland, vil også gjelde for helsefaga, og tiltaka som er føreslått for helsefaga, er ført opp til slutt.

Mål og tiltaksplan for skuleåret 2017/18

Mål

Fagskolen i Hordaland skal arbeide aktivt og systematisk for å:

1. redusere fråfallet mellom første og andre semester.
2. utvikle eit positivt og godt læringsmiljø, og oppnå ein gjennomsnittskåre som ikkje er lågare enn 4,5 med ein skala frå 1 til 6 i høve til studentane sin tilfredsheit med det totale læringsmiljøet.
3. informere og arbeide med studentane om kva læringsutbytte dei skal oppnå i løpet av studia, og oppnå ein gjennomsnittskåre som ikkje er lågare enn 4,5 på spørsmål om studentane sin kjennskap til emneplanen (studieplanen).

Tiltak for å nå mål 1:

- Tilby ekstraundervisning i realfaga, og gje studentane eit innføringskurs.

Tiltak for å nå mål 2:

- Dialog med eigedomsavdelinga og opplæringsavdelinga om forbeteringar av lokala på Nordnes og Nedre Nygård i høve til ventilasjon og vedlikehald.

Tiltak for å nå mål 3:

- Sikre at studieplan og emneplan er eit gjentakande tema i undervisninga.

Tiltak for å følgje opp kvalitetsbrest ved utdanningane

- Timeplanfeste førelesningar med næringslivet for å sikre at både skulen og studentane får eit tettare samarbeid med næringslivet.
- Auke studentinvolvering i arbeid med studieplanar og emneplanar.
- Gjennomføring:
 - o Informere søkerarar meir om kva som blir kravd av ein fagskulestudent i høve til arbeidsmengde.
 - o Etablere ei innføringsveke etter Stord-modellen ved skulestart som skal gje intensiv studietrening i t.d. matte, studieteknikk og basiskunnskapar. Målet er å redusere fråfall og gje auka mestring og læringsutbytte.
- IKT:
 - o Nye skrivarar og oppgradering av nettverket.
 - o Innmelding av nye studentar skal forbetrast.
 - o IKT-lærling er tilsett.
- Nettundervisning:
 - o Gjennomføring av e-prosjektet.
 - o Utarbeide eigen studieplan for nettstudia med m.a. eigen gjennomføringsplan og undervisningsform.
- Fysisk arbeidsmiljø
 - o Samarbeid med eigedomsavdelinga.
- Tettare samarbeid med HR-seksjonen i høve til personalhandtering.
- Tilpassa sensorevalueringane til den einskilde utdanning.

Tiltak for å følgje opp kvalitetsbrest ved utdanningane – helsefaga

- Individuelle støttetiltak for dei som har faglege startvanskår (studieteknikk, data og oppgåveskriving)
- Etablere eit rekrutteringsprosjekt (pilotprosjekt) knytt til ny klasse i Rehabilitering hausten 2018. Gjennom prosjektet vil skulen vere tett på arbeidsgjevar med mål om å betre rekruttering og gjennomføring.
- Etablere fleire signerte formelle avtalar med helseinstitusjonar, kommunar og helseføretak.
- Møte med kommunane om praksisplassar. Administrasjonen ved fylkeskommunen kan delta med ein representant saman med styreleiar.